

UNDUGU

SURA YA KWANZA

WAJIBU WA UDUGU

I NDUGU WASIO NA MAKAO

1. Mtu anayetaka kuwa mwanafunzi wangu yampasa awe tayari kuacha mahusiano na familia yake, awe tayari kuacha maisha ya starehe za kidunia na kutegemea mambo yote ya utajiri.

Mtu aliyeacha mausiano hayo yote kwa ajili ya Dharma na hana mahali pa kuishi kwa ajili ya mwili au moyo wake amekuwa mwanafunzi wangu na ataitwa ndugu asiye na makazi.

Ingawa miguu yake huacha chapa yake katika nyayo zangu na mikono yake hubeba vazi langu, ikiwa moyo wake unasumbuliwa na choyo, huyo yupo mbali na mimi. Ingawa anavaa kama mtawa, iwapo hawezi kuyapokea mafundisho hayo hanioni.

Lakini ikiwa ameondoa choyo yote na moyo wake ni wenye amani na ni mtakatifu, yu karibu nami hata kama yupo maelfu ya maili kutoka kwangu. Akipokea Dharma ataniona ndani mwake.

2. Wanafunzi wangu, ndugu wasio na makao ni lazima watii sheria nne na wajenje maisha yao juu yake.

Wajibu wa udugu

Kwanza wanavaa matambara, pili wanapata chakula chao kwa kuomba omba; tatu makao yao ni popote pale usiku unapowakuta kama vile chini ya mti au juu ya mwamba; na nne, wanatumia dawa maalum iliyotengenezwa kwa mkojo uliowekwa na undugu.

Kubeba bakuli mkononi na kutembea kutoka nyumba moja hadi nyingine, ndiyo maisha ya ombaomba, lakini ndugu halazimishwi na wenzake kufanya hivyo, halazimishwi na hali ya mambo au kwa majaribu; anafanya hivyo kwa utashi wake mwenyewe kwa sababu anajua kuwa maisha ya imani yatamwepusha na madanganyo ya maisha, yatamsaidia kuepukana na maumivu, na yatamwelekeza kwenye Uongofu.

Maisha ya ndugu asiye na makao siyo rahisi; hana sababu ya kuyafuata kama hawezi kuumiliki moyo wake au milango yake mitano ya fahamu.

3. Anayejiamini kuwa ndugu asiye na makao na kuweza kujibu anapoulizwa juu yake awe tayari kusema:

" Nipo tayari kutenda jambo lolote lililo la lazima ili kuwa ndugu asiye na makao. Nitakuwa mkweli na nitajaribu kutimiza madhumuni ya kuwa ndugu asiye na kwake. Nitawashukuru wale wote wanipao misaada na nitajaribu kuwafurahisha kwa bidii ya moyo wangu na maisha yangu mema."

Ili kuwa ndugu asiyekuwa na makazi ni lazima ajifunze njia

Wajibu wa udugu

nyingi, awe mwepesi kuona aibu na dharau anaposhindwa, aweke mwili wake, kauli na moyo wake mtakatifu ikiwa moyo wake utakuwa mtakatifu; ni lazima alinde milango yake mitano ya fahamu, asipoteze uwezo wa kuutawala moyo wake kwa sababu ya furaha ya muda; asijisifu wala kuwakemea wengine na asiwe mvivu au mpenda usingizi mnono.

Mnamo saa za jioni inabidi awe na muda wa kukaa na kutafakuri na kufanya matembezi mafupi kabla ya kulala. Ili kupata usingizi mtulivu ni lazima alalie upande wa kulia na aweke miguu yake pamoja, na wazo lake la mwisho liwe juu ya ya muda anaokusudia kuamka kesho yake asubuhi na mapema. Asubuhi na mapema inabidi awe na muda mwininge wa kukaa na kutabaruku na baadaye afanye matembezi mafupi.

Siku nzima inambidi adumishe moyo mkakamavu, akiutawala mwili na moyo, akipinga vishawishi vy achoyo, hasira, usingizi, kutokujali majuto, shutuma na tamaa zote za kidunia.

Kwa hiyo, akili yake ikiwa imetulia, itampasa apalilie hekima na akusudie kupata Wongofu wa hakika.

4. Ikiwa ndugu asiye na makazi, atajisau na kunywea katika choyo, hasira, chuki, wivu, majivuno, kujitkuza au kutokuwa mwaminifu ni sawa na mtu anayebeba jambia kali lenye makali pande zote lakini limefunikwa kwa kitambaa chepesi.

Huyo si ndugu asiye na makazi kwa kuwa anavao mavazi ya

Wajibu wa udugu

kitawa, na anabeba bakuli la ombaomba; huyo si ndugu asiye na kwake kwa sababu tu ananena maandiko kwa urahisi, huyo ni mtu tu anayetapatapa wala hakuna la ziada.

Hata kama sura yake ya nje ni ya mtawa hawezি kuondokana na tamaa za kidunia. Yeye si ndugu asiye na makazi, hazidiani na mtoto mchanga aliyevishwa nguo za mtawa.

Wale wanaoweza kutuliza na kutawala moyo; waliojaa hekima, walioondokana na tamaa za dunia na ambao madhumuni yao ni kuupata Wongofu tu ni hao tu wanaoweza kuitwa ndugu wasio na makazi.

Ndugu wa kweli asiye na makao anaazimia kufikiria lengo lake la Wongofu hata kama atamwaga damu yake yote na mifupa yake kuvunjikavunjika na kusagika. Mtu anayejitalidi namna hiyo, hatimaye atafikia lengo lake na kutoa ushuhuda juu yake kwa kutenda matendo yenye sifa ya ndugu asiye na makao.

5. Kazi ya ndugu asiye na makao ni kueneza mwanga wa mafundisho ya Buddha. Yampasa ahubiri kila mtu, awaamshe waliolala, asahihishe mawazo batili; hana budi kuwasaidia watu wawe na mtizamo sahihi, aende kila mahali akieneza mafundisho ya Buddha bila kujali maisha yake.

Kazi ya ndugu asiye na makao ni ngumu, kwa hiyo anayeitamani hana budi kuvala nguo za Buddha, akalie kitie cha Buddha na kuingia katika chumba cha Buddha.

Wajibu wa udugu

Kuvaan nguo za Buddha ina maana ya kuwa mnyenyeketu na kuwa mvumilivu, kukalia kitu cha Buddha ina maana ya kuona jambo na kulidharau kama siyo kitu chochote na kutokuwa na uhusiano na mambo, kuingia katika chumba cha Buddha yamaanisha kushiriki katika huruma kuu ya Buddha na kuwa na huruma kwa kila mtu.

6. Wale wanaohitaji kufundisha mafundisho ya Buddha kwa hiari lazima wajishughulishe na mambo manne:- Kwanza wahusike na tabia zao; pili lazima wayaangalie maneno wachaguayo wanapowaendea na kuwfundisha watu; wajihusise na nia zao za kufundisha na kutimiza lengo la mafundisho hayo na nne hawana budi kujihusisha na huruma kuu.

Kwanza, ili kuwa mwalimu mzuri wa Dharma, ndugu asiyeye na makao yampasa kusimama imara kwenye uwanja wa uvumulivu, lazima awe na uadilifu, asiwe na majivuno na asitamani sifa; yambidi mara kwa mara afikirie upuuizi wa vitu; Asijishikamanishe na jambo lo lote. Iwapo atawajibika ipasavyo bila shaka atakuwa na tabia itakiwayo.

Pili yambidi awe Mwangalifu anapowaendea watu au hali. Yampasa aepuke watu wenye maisha mabaya au watu wenye madaraka; ni lazima awaepuke watu wa jinsia tofauti.

Tena, yambidi awaendee watu kwa upole na wema; hana budi kila mara kukumbuka kuwa vitu hutokana na mafumbato ya chanzo na hali, na akiwa na msimamo huo asiwalaumu watu wala

kuwasuta au kuwaseng'enya, au kuwadharau.

Tatu, yambidi awe na moyo mtulivu, akimwona Buddha kama baba yake wa kiroho, awaone ndugu wengine wasio na makao wanaofuata Nuru kama walimu wake na amwangalie kila mmoja kwa moyo wa huruma. Kisha awafundishe wote bila ubaguzi.

Nne, adhihirishe roho yake ya huruma kwa wote kama alivyofanya Buddha. Hasa hasa ajitahidi roho yake ya huruma iwafikie watu wasiokuwa na habari za Wongofu. Awatakie heri nao watafute Wongofu pia naye ayafuatilie matakwa yake akijipa moyo kwa nguvu zote zimwezeshe kuamsha ari yao.

II

WAFUASI WA ULEI

1. Imekwishaelezwa kwamba ili kuwa mwanafunzi wa Buddha yampasa mtu aamini katika hazina tatu; Buddha, Dharma na Samgha.

Kuwa mfuasi wa ulei mtu inamlazimu awe na imani isiyotingishika katika Buddha, ayaamini mafundisho yake, ajifunze na kuyaweka mafundisho katika matendo na kuulinda udugu.

Wafuasi wa ulei yawapasa kufuata mafundisho matano:-

Wajibu wa udugu

kutoua, kutoiba, kutozini, kutosema uwongo au fitina, kutotumia vileo.

Wafuasi wa ulei wasiamini tu katika hazina tatu na kuyashika mafundisho, bali kwa kadri ya uwezo wao wawasaidie watu wengine kuyatafakari mafundisho haya, hasa hasa ndugu na marafiki zao; wakijitahidi kuamsha imani isiyotingishika ya Buddha ndani mwao na Dharma na Samgha, ili nao washiriki kugawiwa huruma ya Buddha.

Wafuasi wa ulei yawapasa daima kukumbuka kuwa sababu yao kuamini katika hazina tatu na kuyatunza mafundisho ni kuwawezesha hatimaye kuupata Uongofu, na kwa sababu hiyo na ingawa wanaishi katika dunia ya madanganyo yawapasa kujizua kujihusisha na madanganyo hayo.

Wafuasi wa ulei wanapaswa kuweka maanani kuwa ni kitambo kidogo tu kijacho watapaswa kuwaacha wazazi wao na familia zao na kutupilia mbali maisha haya ya kuzaliwa na kufa; kwa hiyo wasijjhuishe na vitu vya maisha haya bali waelekeze mioyo yao katika dunia ya Nuru ambamo kwayo hakuna kitu kipoteach.

2. Endapo wafuasi wa ulei watataka kuamsha imani ya kweli katika mafundisho ya Buddha inabidi ndani ya mioyo yao wajenge furaha iliyo makini itakayo-ng'ara katika mazingira yao na nuru yake kuakisiwa kwao tena.

Moyo huu wa imani ni safi na mtaratibu, daima ni wa kusubiri na kuvumilia, kamwe hauna mabishano, kamwe hausababishi mateso kwa wengine lakini kila wakati unazifikiria zile hazina tatu: Buddha, Dharma na Samgha. Hivyo basi furaha hufunuliwa na kukua katika mioyo yao, na mwanga wa Nuru, unawenza kupatikana kila mahali.

Kwa vile wametulia katika himaya ya Buddha kwa imani, basi wametenganishwa mbali na moyo wa uchoyo, mbali na kufumbatanishwa na mali zao, na, kwa hiyo hawana woga katika maisha yao ya kila siku wala hawatishiki kwa kusutwa.

Hawataogopa kifo kitakachowajia kwa kuwa wanaamini kuzaliwa kwenye Nchi ya Buddha. Kwa kuwa wanaamini katika ukweli na utakatifu wa mafundisho, wote wanaweza kujieleza kwa uhuru bila hofu.

Kwa kuwa mioyo yao imeja huruma kwa watu wote, hawatakuwa na tofauti kati yao bali watatendeana wema sawa, na kwa kuwa mioyo yao iko huru kutokana na mapenzi na machukizo, itakuwa safi, adilifu na yenye furaha kwa kutenda jambo lolote zuri.

Kama wanaishi kwa dhiki au kwa neema haileti tofauti yoyote katika kuongeza imani yao. Ikiwa watahifadhi uvumilivu, ikiwa watayaheshimu mafundisho ya Buddha, kama ni waangalifu katika mazungumzo na matendo, ikiwa mioyo iko imara kama milima, basi watatembea salama na kwa uhakika katika njia ya

Wajibu wa udugu

Nuru.

Na ingawa wanazimika kuishi katika hali ngumu na kati ya watu wenye mioyo michafu, iwapo wataweka imani yao katika Buddha daima watazidi kuwaongoza wenzao kwenye matendo mema.

3. Kwa hiyo, mtu yambidi kwanza awe na hamu ya kusikiliza mafundisho ya Buddha.

Ikiwa mtu yejote atamweleza kuwa itakuwa lazima kupitia kwenye moto ili kuipata nuru, basi awe radhi kupita kwenye moto huo.

Kuna kutosheka katika kulisikia jina la Buddha ambako kuna thamani zaidi ya kupita katika dunia iliyojaa mioto kama hiyo.

Kama mtu ana nia ya kufuata mafundisho ya Buddha yampasa asijipende nafsi yake, au kuwa kaidi, lakini alinde hisia ya nia njema kwa watu wote; mtu awaheshimu wote wanaostahili heshima, awahudumie wanaostahili huduma na kutenda wema sawa kwa kila mtu.

Hivyo basi wafuasi wa ulei yawabidi kuandaa mioyo yao kabla ili wasibughudhiwe na matendo ya wengine. Katika hali hii watapokea mafundisho ya Buddha na wayashike na kuyafanya kazi bila ya kuwaonea kijicho wengine, bila ya kushawishiwa na

wengine na bila kuwazia njia nyinginezo.

Wale wasioamini mafundisho ya Buddha wana mtizamo finyu, na kwa sababu hiyo wana miyo isiyotulia. Lakini wale wanaoyaamini mafundisho ya Buddha wanaamini kwamba kuna hekima kuu na huruma kuu ikumbatiayo kila kitu na katika imani hiyo hawasumbuliwi na vitu visivyo na thamani.

4. Wale wanaoyasikia na kuyapokea mafundisho ya Buddha wanajua kwamba maisha yao ni ya kupita na kuwa miili yao ni mkusanyiko wa mateso na chanzo cha maovu yote, na hivyo basi hawaijihusishi navyo.

Wakati uleule hawaachi kuitunza miili yao; Sio kwa sababu ya kufurahia anasa za mwili, lakini kwa sababu mwili unahitajika kwa muda tu ili waweze kupata hekima na kuwawezesha wawe mitume wa kuielezia njia kwa watu wengine.

Ikiwa watashindwa kuitunza miili yao wataishi maisha mafupi. Kama hawataishi maisha marefu hawatayatendea kazi mafundisho hayo wao wenyewe au kuyaeneza kwa watu wengine.

Ikiwa mtu anataka kuvuka mto anachunga sana chelezo chake, ikiwa ana safari ya mbali anamwangalia sana farasi wake. Vivi hivi, ikiwa mtu anataka kuipata Nuru ni lazima autunze mwili wake.

Wajibu wa udugu

Wanafunzi wa Buddha hawana budi kuvaan nguuo kwa ajili ya kuikinga miili yao kwa joto kali na baridi kali na kusetiri sehemu zao za siri na wasivae nguuo kwa sababu ya kujipamba.

Yawabidi kula chakula kwa ajili ya miili yao ili wapate uwezo wa kusikia, kupokea na kuelezea mafundisho, lakini wasile chakula kwa ajili ya starehe tu.

Inabidi waishi katika nyumba ya Nuru, ili walindwe kutokana na wezi wa mateso ya duniani na kutokana na mawimbi ya mafundisho mabaya, na waitumie nyumba hiyo kwa madhumuni halisi siyo kwa maonyesho au maficho ya matendo ya uchoyo.

Hivyo, mtu ni lazima athamini vitu na avitumie tu kwa uhusiano wake na Nuru na mafundisho. Asivimiliki au kijihuisha navyo kwa sababu za uchoyo ila kwa kuwa tu vinatimiza dhumuni ya kupeleka mafundisho kwa wengine.

Kwa hiyo, mawazo yake yahusike na mafundisho hata kama yupo pamoja na familia yake. Awaturunge wenzake kwa moyo wa busara na huruma, akitafuta njia mbalimbali za kuamsha imani katika mioyo yao.

5. Wana ulei wa Samgha ya Buddha inawapasa kila siku kujifunza masomo yafuatayo: jinsi ya kuwahudumia wazazi wao, jinsi ya kuishi na wake zao na watoto, jinsi ya kujizua na kujilinda na namna ya kumtumikia Buddha.

Wajibu wa udugu

Ili kuwahudumuia wazazi ni lazima wajifunze kutenda wema kwa viumbi vyote vyenye uhai. Ili kuishi kwa furaha na wake zao na watoto wao ni lazima waepuke tamaa na mawazo ya starehe za uchoyo.

Wakiwa wanausikiliza muziki mzuri wa maisha ya familia wasisahau muziki mtamu sana wa mafundisho, na wakati wanaishi katika himaya ya nyumba, wajitahidi kila mara kutafuta hirihaya salama ya matendo ya zen, mahali ambapo watu wenye busara hupata hifadhi kuepukana na uchafu na masumbuko.

Walei wanapotoa sadaka yawapasa kuondoa choyo yote katika roho zao: wakiwa katikati ya umati, mawazo yao yawe karibu na watu wenye busara; wanapopatwa na mikasa, hawana budi kutuliza mioyo yao kwa furaha na kuiweka mbali na vipingamizi.

Wanapopata kimbilio katika Buddha yawabidi kutafuta hekima yake.

Wanapopata hifadhi katika Dharma, ni lazima waufuate ukweli wake ambao ni kama bahari ya hekima.

Wanapopata hifadhi katika Samgha, ni lazima wautafute ushirika usio na ghasia inayozuiwa na matakwa ya uchoyo.

Wanapovaa nguo, wasisahau pia kucaa vazi la wema na unyenyekevu.

Wajibu wa udugu

Wanapotaka kujifariji, ni lazima wanuie kabisa kutupilia mbali choyo, hasira na ujinga kutoka katika mioyo yao.

Wanapofanya kazi ngumu kwenye barabara ielekeayo mlimani waifikirie kama njia ya Uongofu ambayo itawavusha ng'ambo ya dunia ya madanganyo. Wanapofuata barabara nyepesi na rahisi inawapasa watumie bahati ya unaafiu wake ili kuleta maendeleo makubwa katika U-Buddha.

Wanapoliona daraja ni lazima watamani kulijenga daraja la mafundisho ili kuwapa fursa watu kulivuka.

Wanapokutana na mtu mwenye masikitiko, yawabidi kusikitikia uchungu wa dunia hii inayobadilikabadilika.

Wamwonapo mtu mchoyo, wawe na hamu kubwa ya kuwa huru kuepukana na madanganyo ya maisha haya na kupata utajiri wa kweli wa Nuru.

Waonapo chakula kitamu, wawe macho; waonapo chakula kibaya yawabidi kutamani choyo isije tena.

Wakati wa joto kali la majira ya kiangazi, ni lazima watamani kuwa mbali na joto la tamaa za kidunia na kupata ubaridi safi wa Uongofu wakati wa baridi kali isiyovumilika ya masika hawana budi kufikiria joto la huruma iliyoko ndani ya Buddha.

Wanaponena maandiko matakatifu yawabidi wawe wameamua kutoyasahau na wadhamirie kuyaweka katika vitendo.

Wanapofikiria Buddha, yawabidi kuchunga takwa lao kuu la kuwa na macho kama Buddha.

Pindi walalapo usingizi wa usiku, watamani miili yao, maneno na mioyo yao itakaswe na kuchangamshwa; wanapoamka asubuhi , ombi lao liwe kuwa katika siku nzima mioyo yao iwe myepesi kuelewa vitu vyote.

6. Wale wanaofuata mafundisho ya Buddha kwa sababu wanaelewa kuwa kila kitu kina sifa ya "kutokuwa na asili", hawadharau vitu vinginevyo katika maisha ya binadamu, ila huvipokea kwa jinsi vilivyo na kisha hujaribu kuvifanya viwe zana sahihi za Nuru.

Wasifikirie kuwa dunia hii haina maana yoyote na imejaa machafuko, wakati ukweli ni kwamba dunia ya Wongofu imejaa maana na Heri. Bali waonje njia ya Wongofu katika mambo yote ya dunia hii.

Mtu anapouangalia ulimwengu kwa macho machafu yaliyochanganyikana na ujinga atauona umeja makosa, lakini akiuangalia kwa hekima sahihi, atauona kama ulimwengu wa Nuru, ambao ndio ukweli wake.

Wajibu wa udugu

Ukweli ni kwamba kuna dunia moja tu wala siyo mbili, moja isiyo na maana na ya pili yenyé maana au moja nzuri nyéngine mbaya. Watu hufikiria tu kwamba kuna dunia mbili, kutokana na ubaguzi wa akili yao.

Iwapo wangeondokana na ubaguzi huo pamoja na kutunza na kuweka mioyo yao safi kwa mwanga wa hekima, basi wangeiona dunia moja ambayo kwayo kila kitu kina maana.

7. Wale wanaomwamini Buddha huonja utakatifu huu wa umoja wa ulimwengu wote katika kila kitu, katika hali hiyo huona huruma kwa wote na huwa na uelekeo wa kumhudumia kila mmoja.

Kwa hiyo, inawabidi waisafishe mioyo yao kuondoa kiburi na kulinda unyenyekevu, ukarimu na huduma. Miyo yao iwe kama ardhi yenyé faida irutubishayo kila kitu bila upendeleo, itoayo huduma bila kinyongo, yenyé shauku kila siku, ambayo hupata furaha kuu kwa kuwahudumia maskini wote kwa kupandikiza mafundisho ya Buddha ndani ya mioyo yao.

Hivyo basi, moyo wenye huruma kwa maskini huwa mama kwa watu wote, huwaheshimu watu wote, watu wote huwaona kama marafiki, na huwaheshimu kama wazazi.

Kwa hiyo, ingawa maelfu ya watu wanaweza kuwa na mawazo magumu na kukuza chuki kwa walei wamfuatao Buddha, hawawezi kuwadhuru, kwani madhara kama hayo ni sawa na

tone la sumu katika maji ya bahari kuu.

8. Mfuasi wa ulei atapendezwa na furaha yake kwa tabia za kukumbuka, kufikiri na kushukuru. Atatambua kuwa imani yake ni huruma ya Buddha na kwamba ameipata kutoka kwake Buddha.

Hakuna mbegu za imani katika tope la dunia ya mateso, lakini kwa ajili ya huruma ya Buddha, mbegu za imani zinaweza kupandwa na zitasafisha moyo hadi utakapokuwa na imani katika Buddha.

Kama ilivyokwisha semwa, mti wa chandana wenye harufu ya marashi hauwezi kuota katika msitu wa miti ya Eranda. Vilevile mbegu za imani katika Buddha haziwezi kuwa katika kifua cha madanganyo.

Lakini, hasa ua la furaha linachanua huko,hivyo ni lazima tuhitimishe kuwa wakati maua yake yapo katika kifua cha madanganyo, mizizi yake iko mahali pengine; hasa katika kifua cha Buddha.

Ikiwa mfuasi wa ulei atajipenda nafsi yake; atakuwa na kijicho, husuda, chuki na uharibifu kwa sababu moyo wake umechafuliwa na choyo, hasira na ujinga. Lakini kama atarudi kwa Buddha; atapata hata huduma kubwa ya Buddha kama ilivyotajwa hapo juu. Kwa hakika, haiwezi kuelezeka.

SURA YA PILI

MWONGOZO WA KUISHI KWA VITENDO

I MAISHA YA FAMILIA

1. Ni makosa kufikiri kuwa balaa hutokea Mashariki au Magharibi; hutoka ndani ya moyo wa mtu mwenyewe. Kwa hiyo ni ujinga kuzuia balaa kutokea katika dunia ya nje na kuacha undani wa moyo bila kusimamiwa na kutawaliwa.

Kuna desturi ambayo imerithiwa toka zamani sana ambayo watu wa kawaida bado wanaifuata. Wanapoamka asubuhi, kwanza huosha nyuso zao na kusafisha midomo yao, kisha husalimu kwa kuinamia pande sita - Mashariki, Magharibi, Kusini, Kaskazini, juu na chini - wakiomba kuwa balaa yoyote isiwafkie kutoka upande wote na pia wawe na siku njema.

Lakini ni tofauti katika mafundisho ya Buddha. Yeye hufundisha kuwa inatubidi kutoa heshima kwa pande sita za ukweli na pia kuwa inatubidi kufanya mambo kwa busara na uadilifu na hivyo kuzuia balaa zote.

Ili kulinda milango ya pande hizi sita, watu watapaswa kuondoa uchafu wa "matendo manne, " kutawala na kulinda" miyo minne michafu, " na kuziba "mashimo sita" ambayo husababisha upoteaji wa utajiri.

Mwongozo wa kuishi kwa vitendo

Kwa "matendo manne" humaanisha kuiba, kuua, uzinzi na uongo.

"Mioyo michafu minne" ni choyo, hasira, ujinga na woga.

"Mashimo sita" yanayosababisha upoteaji wa utajiri ni tamaa ya pombe na kuishi kijingga, kutolala mapema na kupoteza moyo katika upuuzi, kujishughulisha na mambo ya muziki na starehe, kucheza kamali, kushirikiana na marafiki wabaya na kukwepa wajibu.

Baada ya kuondoa najisi hizi nne, kuepukana na hali hizi nne za uovu wa moyo, na kuziba mashimo sita ya takataka, mitume wa Buddha huzicha pande sita za kweli.

Sasa ni zipi pande sita za ukweli? Nazo ni; Mashariki ni njia ya wazazi na mtoto, kusini ni njia ya mwalimu na mwanafunzi; Magharibi ni kwa njia ya mtu na rafiki yake, chini kwa ajili ya bwana na mtumishi na juu ni njia ya wanafunzi wa Buddha.

Mtoto anapaswa kuwaheshimu wazazi wake na kuwatendea yote yampasayo. Hana budi kuwahudumia, kuwasaidia katika kazi zao, kulinda ukoo wa familia, kulinda mali ya familia na kufanya ibada za kumbukumbu baada ya kifo chao.

Wazazi wawafanyie watoto wao mambo matano yafuatayo:- Waepuke kutenda mabaya, wawe mfano wa matendo mema, wawapatie elimu, wawafanyie mipango ya kuwaoza na

Mwongozo wa kuishi kwa vitendo

kuwapa fursa ya kurithi mali za familia katika wakati unaofaa. Ikiwa wazazi na mtoto watafuata masharti haya familia itaishi kwa amani kila wakati.

Mwanafunzi yambidi kusimama wakati mwalimu wake anapoingia, amtegemee, afuate mafundisho yake vizuri na amkumbuke katika kumpa sadaka, na kusikiliza mafundisho yake kwa makini.

Wakati uleule mwalimu yampasa kutenda matendo ya haki ili awe mfano mwema kwa mwanafunzi wake; amfundishe vizuri elimu aliyojifunza; yampasa atumie njia nzuri na amwandae kwa ufanisi wa hali ya juu; asisahau kumtunza mtoto kutokana na mabaya kwa njia yoyote ile. Ikiwa mwalimu na mwanafunzi wake wanashika masharti haya uhusiano wao utakuwa mzuri sana.

Mwanamme amheshimu, amkarimu na amwamini mke wake. Amkabidhi shughuli za utunzaji nyumba mkewe na kumpatia mahitaji yake pamoja na ziada. Vile vile, mke achukue jukumu la nyumba awachunge wafanyakazi wake kwa busara, alinde maadili mema kama atendavyo mke mwema. Asipoteze kipato cha mme bali aitunze nyumba kwa utaratibu na uaminifu. Ikiwa masharti haya yatafuatwa kutakuwa na nyumba yenye furaha isiyokuwa na ugomvi.

Masharti ya urafiki yana maana kuwa yapasa kuwepo upendo kati ya marafiki, kila mmoja akampatia mwenzie kile anachokikosa na kwa njia hiyo wakijaribu kusaidiana kwa

Mwongozo wa kuishi kwa vitendo

maneno matamu na ya kweli.

Mtu amsaidie rafiki yake asianguke katika njia mbaya, alinde mali na utajiri wake na amsaidie katika matatizo yake. Ikiwa rafiki yake amepatwa na mkasa inabidi ampe msaada ye ye pamoja na familia yake kama italazimu. Kwa njia hiyo wataendelea kuishi kwa furaha na urafiki wao utadumishwa.

Bwana anapomshughulikia mtumishi wake azingatie mambo matano. Ampe kazi kulingana na uwezo wake; ampatie fidia anayostahili; ampe huduma anapokuwa mgonjwa, amgawie vitu vizuri na ampe mapumziko anayostahili.

Mtumishi naye lazima azingatie mambo matano. Awe wa kwanza kuamka na wa mwisho kulala, awe mwaminifu, afanye kazi yake kwa bidii na uangalifu na ajitahidi kutovunja heshima ya bwana wake. Iwapo kanuni hizi zitafuatwa amani itakuwepo na hapatakuwepo na migongano kati ya bwana na mtumishi wake.

Mwanafunzi wa Buddha hana budi kuhakikisha kuwa familia yake inayafuata mafundisho ya Buddha. Inawapasa wanafunzi wa Buddha kulinda heshima na fikira juu ya mwalimu wao wa u-Buddha, ni lazima wamkarimu, wafuate na kushika mafundisho yake huku wakimtolea sadaka.

Tena mwalimu wa mafundisho ya Buddha hana budi kuyaelewa fika mafundisho, akizikataa tafsiri potofu, akisisitiza wema na akijitahidi kuwaongoza waumini katika njia nyooofu.

Mwongozo wa kuishi kwa vitendo

Kwa maana familia inayofuata njia hii ikaweka maanani msingi wa mafunzo ya kweli itaishi kwa furaha.

Mwanamme anayesujudia pande sita hafanyi hivyo kwa nia ya kuepuka balaa za nje. Anafanya hivyo akiwa imara kuzuia maovu yasichipuke kutoka ndani ya moyo wake.

2. Binadamu hana budi kubainisha kati ya marafiki wake, wapi wa kuhusiana nao na wapi wa kutohusiana nao.

Wale wanaopaswa kuepukwa ni wachoyo, wajanja na wadanganyifu.

Wale anaoweza kushirikiana nao ni wale wanaoweza kumsaidia, waliotayari kuwa pamoja katika furaha na huzuni, wanaotoa ushauri mzuri na wenye roho ya huruma.

Rafiki wa kweli, ambaye mtu anaweza kushirikiana naye kwa usalama, kila mara atafuata njia ya kweli, atajihuisha na kuwa na wasi wasi juu ya mambo ya rafiki yake, atamliwaza katika shida, atampatia msaada utakaohitajika, atamtunzia siri zake na atampa ushauri mzuri.

Siyo rahisi kumpata rafiki kama huyo, na kwa hiyo mtu yambidi ajaribu kuwa na rafiki wa namna hiyo. Kama jua linavyotia joto ardhi ndivyo rafiki mwema anavyong'ara katika jamii kutokana na matendo yake mema.

Mwongozo wa kuishi kwa vitendo

3. Itakuwa vigumu kwa mtoto kuwalipa wazazi wake kwa wema wao, hata kama angeweza kumbeba baba yake kwenye bega lake la kulia na mama yake kwenye bega la kushoto kwa muda wa miaka mia moja.

Na hata kama angewaoshea wazazi wake kwa manukato yanukiayo vizuri sana kwa muda wa miaka mia moja ili awe mfano wa mtoto mzuri, na awapatie anasa zote za dunia; hata hapo bado hawezi kuwalipa fadhila zao kulingana na zile walizomtenda kwa vyovyote vile.

Lakini awaongozapo wazazi wake kwa Buddha na kuwaeleza mafundisho ya Buddha, na kuwashawishi kuziacha njia mbaya na kufuata njia ya kweli, ili iwasaidie kuachana na choyo na kufurahia tabia ya kutoa sadaka, hapo atakuwa kama anawalipa zaidi na zaidi.

Baraka za Buddha hujaa katika nyumba ambamo wazazi wanapewaa thamani na heshima.

4. Familia ni mahali ambapo mioyo inakutana. Ina maana kuwa mioyo ikipendana, nyumba itakuwa nzuri kama bustani ya maua. Ina maana kuwa mioyo ikifarakanu huwa kama tufani iletayo uharibifu bustanini.

Panapotokea kutoelewana katika familia, mtu asiwalaumu wenzake bali auchunguze moyo wake na kufuata njia ya kweli.

Mwongozo wa kuishi kwa vitendo

5. Wakati fulani kulikuwa na mtu mwenye imani kubwa. Baba yake alifariki wakati yeye angali mdogo; aliishi vizuri sana na mama yake, baadaye akaoa mke.

Mwanzoni waliishi pamoja vizuri ila kutokana na tofauti ndogo ilijojitokeza mke na mama mkwe walitokea kutopendana. Machukio yalipozidi kati yao mama yao aliamua kuwaacha wanae na kuishi peke yake.

Baada ya mama mkwe kuondoka walimzaa mtoto wa kiume. Mama mkwe alipata tetesi kuwa mke wa mwanae amesema, " Mama mkwe wangu alikuwa ananiudhi na muda wote alipoishi nasi hakuna jema lolote lililotokea, na mara tu alipoondoka tukio hili jema limetokea".

Habari hizi zilimuudhi mama mkwe aliyepaliza sauti na kusema "Ikiwa mama wa mume amefukuzwa kwenye nyumba na tukio jema limetokea ndani ya nyumba, basi mambo yameingia katika mpito mwema. Uadilifu utakuwa umetoweka duniani."

Kisha mama huyo alipiga kelele akisema " sasa yatubidi tuwe na mazishi ya uadilifu huu", Kama mwanamke kichaa, alikwenda kufanya ibada ya mazishi makaburini.

Mzimu aliposikia tukio hili, alimtokea mwanamke huyo na akajitahidi kumshauri lakini ilishindikana.

Mwongozo wa kuishi kwa vitendo

" Ikiwa hivyo ndivyo ilivyo," mzimu alimwambia, " nitachoma moto mtoto na mama yake: Je hilo litakuridhisha?".

Kwa kusikia hivyo, mama mkwe aligundua kosa lake, akaomba samahani kwa hasira yake na akambembeleza mzimu kuokoa maisha ya mtoto na mama yake. Wakati ule ule mke wa mwanae na mume wake walitambua udhalimu wao kwa mama kizee na wakaenda makaburini kumtafuta. Mzimu aliwapatanisha na tangu siku hiyo walianza kuishi pamoja kwa furaha kifamilia.

Wema haupotei kamwe labda mtu mwenyewe autupilie mbali. Wema unaweza kuelekea kupotea mara kwa mara, lakini ukweli ni kwamba wema haupotei. Wema unapoelekea kupotea, ni kwa sababu mtu anapoteza uadilifu wa moyo wake.

Mawazo ya utengano na fitina mara nyingi huleta maafa. Kutoelewana kidogo tu kunaweza kuambatana na balaa kubwa. Hii hasa inapaswa kuepukwa katika maisha ya kifamilia.

6. Swali la namna ya kugharamia matumizi ya kila siku katika familia lahitaji uangalifu. Kila mmoja yampasa kufanya kazi kwa bidii kama mchwa na nyuki. Pasiwepo mtu anayeishi kwa kutegemea nguvu za wenzake, au kutumaini misaada yao.

Kwa upande mwingine mtu asifikirie kuwa pato analochuma ni lake peke yake. Sehemu nyingine itumike kwa ajili ya mahitaji ya jumuiya na taifa na sehemu nyingine itengwe kwa ajili ya mahitaji ya walimu wa dini.

Mwongozo wa kuishi kwa vitendo

Ni vema mtu kukumbuka kuwa hakuna kitu chochote katika dunia kinaweza kuitwa "changu" hasa. Anachokipata mtu anakipata kutokana na mchangamano wa hali na maumbile; anaweza kukitunza kwa muda, kwa hiyo asikitumie kwa uchoyo au kwa madhumuni mabaya.

7. Wakati Syamavati, mwandani wa Malkia wa mfalme Udayana, alipompatia Anada mavazi mia tano, Anada aliyapokea kwa furaha.

Mfalme aliposikia habari hiyo, alimtuhumu Anada kwa udanganyifu na hivyo alimwendea na kumhoji ni jinsi gani anaweza kuyatumia haya mavazi mia tano.

Anada alijibu: " Ah mfalme, ndugu zangu wengi wanavaa matambara nitayagawa mavazi haya kwao.

- "Utafanya nini na mavazi yaliyochakaa?"
- " Tutatengeneza matandiko"
- " Mtafanya nini na matandiko machakavu?"
- " Tutatenganeza foronya".
- " Mtafanya nini foronya chakavu?"
- " Tutatengenezea mazuria".
- " Mtafanya nini mazuria machakavu?"
- " Tutatengenezea vitambaa vy'a kufutia miguu".
- " Mtafanya nini na vitambaa vy'a kufutia miguu vichakavu?"
- " Tutatengenezea mifagio ya kusafisha sakafu".
- " Mtafanya nini mifagio ya sakafu michakavu?"

Mwongozo wa kuishi kwa vitendo

"Mtukufu, tutaichanachana vipande vipande navyo tutavichanganya na tope ili tukapige lipu kuta za nyumba.

Kila kifaa tulichokabidhiwa ni lazima tukitumie kwa uangalifu, kwa kuwa siyo chetu bali tumekabidhiwa kwa muda tu."

II MAISHA YA WANAWAKE

1. Kuna aina nne za wanawake. Aina ya kwanza ni ya wale wakasirikao kutokana na kisa kidogo sana, wenyе mioyo ibadilikayo, wenyе choyo na vivu kwa furaha za wengine na wasiokuwa na huruma na mahitaji ya wenzao.

Aina ya pili ni ya wale wanaojenga hasira juu ya mambo hafifu, ambao ni vigeugeu na waroho lakini wasio na husuda kwa furaha za wenzao na wenyе huruma juu ya mahitaji ya watu wengine.

Aina ya tatu ni ya wale wenyе moyo wa usikivu na hawashikwi na hasira mara kwa mara, wanafahamu kutawala moyo wa tamaa lakini hawawezi kuepuka hisia za vivu na wasio kuwa na huruma juu ya mahitaji ya watu wengine.

Kundi la nne ni la wale walio wasikivu, wanaoweza kuzuia mawazo ya choyo na kuwa na moyo wa utulivu, wasioonea

Mwongozo wa kuishi kwa vitendo

kijicho furaha ya watu wengine na wenye huruma kwa mahitaji ya watu wengine.

2. Msichana anapoolewa inampasa aazimie mambo yafuatayo:- "Nitawaheshimu na kuwahudumia wazazi wa mume wangu. Wametupatia mafao yote tuliyonayo na ni walinzi wetu wa hekima, kwa hiyo sina budi niwatunze kwa shukrani na nitakuwa tayari kuwasaidia kila inapowezekana.

"Nitamheshimu mwalimu wa mume wangu kwa kuwa amempatia mume wangu mafunzo matakatifu na tusingeweza kuishi kama binadamu bila mwongozo wa mafundisho haya mema.

"Nitaundayo moyo wangu ili niweze kumwelewa mume wangu ili kuweza kumsaidia katika kazi zake. Sitaenda kinyume na yale apendeleayo kwa kudhani kuwa hayo ni mambo yake na siyo yangu.

"Nitaelewa asili, silika, uwezo na maonyo kwa huruma. Nitatuza mapato ya mme wangu bila ya kuyafuja kwa matumizi yangu yoyote ya binafsi yasiyo na maana.

3. Uhusiano wa mme na mke haukupangwa kwa maana tu ya wao kuwa pamoja. Uhusiano huu una umuhimu mkubwa zaidi ya miili miwili katika nyumba moja. Mume na mke ni lazima wafaidi undani wa uhusiano wao kwa kusaidiana kuifunza miyo yao katika mafundisho matakatifu.

Mwongozo wa kuishi kwa vitendo

Wana unyumba uliokomaa, "unyumba hasa" kama walivyoitwa, siku moja walikwenda kwa Buddha na kumwambia, " Bwana, tulioana baada ya kukaa na kuelewana tangu utotoni na hapakuwahi kutokea wingu la dosari katika furaha yetu. Tafadhali twambie ikiwa tunaweza kuoana tena katika maisha ya baada ya kifo.

Buddha aliwapa jibu la busara - "endapo nyote mna imani sawa, ikiwa nyote mlikuwa wote mnatoa hisani inayolingana na kama mna hekima inayolingana, basi mtakuwa na moyo sawa katika uzao ujao.

4. Sujata, alikuwa mke mdogo wa mwana mkubwa wa tajiri mmoja, aitwaye Anathapindada, alikuwa na majivuno, hakuwaheshimu wenzake na hakuyasikiliza maelekezo ya mme wake na ya wazazi wake na kwa sababu hiyo ugomvi ulizuka katika familia hiyo.

Siku moja Aliyebarikiwa alikuja kumtembelea Anathapindada na akagundua hali ya mambo hayo. Alimwita kwake mke mdogo, Sujata, na kumweleza kwa upole akisema:

"Sujata, kuna aina saba za wake. Kuna mke anayefanana na muuaji. Ana moyo mchafu, hamweshimu mme wake na kwa hiyo huelekeza moyo wake kwa mwanamume mwingine.

" Kuna mke anayefanana na mwizi. Haelewi kamwe kazi ya mumewe bali hufikiria tu tamaa yake ya anasa. Hypoteza mapato ya mumewe kwa kushibisha hamu yake na kwa kufanya hivyo

Mwongozo wa kuishi kwa vitendo

humwibia mumewe.

" Kuna mke afananaye na Bwana mkubwa. Humkaripia mumewe, hajali utunzaji wa nyumba na daima humkemea mumewe kwa maneno makali.

" Kuna mke afananaye na mama. Humtunza vizuri mume wake kama vile ni mtoto mdogo, humlinda kama mama amlindavyo mwanae, na hutunza mapato ya mumewe".

" Kuna mke afananaye na dada. Ni mwaminifu kwa mume wake na humtunza kwa makini na staha".

" Kuna mke afananaye na rafiki. Hujaribu kumbembeleza mumewe kama vile alikuwa rafiki aliyerejea kitambo tu baada ya kutoweka kwa muda mrefu. Ni makini, mwenye tabia njema na humheshimu sana mumewe".

" Mwisho, kuna mke ambaye ni kama mtumishi wa nyumbani. Humhudumia mme wake vizuri na kwa uthabiti. Humweshimu na kutii amri zake, hana matakwa ya kwake, hana mawazo mabaya, hana chuki na kila mara hujitahidi kumfurahisha mumewe".

Aliyebarikiwa aliuliza, " Sujata, unafanana na aina gani ya mke au ni aina gani ya mke ungempenda ufanane naye?" Alipoyasikia maneno haya, Sujata aliona aibu ya tabia yake ya zamani na akajibu kuwa angependa awe kama mke wa mfano wa

Mwongozo wa kuishi kwa vitendo

mwisho, mtumishi - mwanamke. Tangu hapo alibadilisha tabia yake na akawa msaidizi wa mume wake, na kwa pamoja waliitafuta Nuru.

5. Amrapali alikuwa kahaba tajiri na mashuhuri wa Vaisali na aliwamiliki makahaba wengi wenye umri mdogo na warembo. Alikwenda kwa Aliyebarikiwa na akawombwa ampatie mafundisho mema.

Aliyebarikiwa alisema, " Amrapali, moyo wa mwanamke hubabaishwa na kupotoshwa kwa urahisi. Mwanamke hutawaliwa na tamaa zake na kutekwa na wivu kwa urahisi zaidi kuliko mwanamume.

" Kwa hiyo ni vigumu zaidi kwa mwanamke kuifuata njia bora. Hii ni kweli hasa kwa mwanamke kijana na mrembo. Yakupasa kusonga mbele kufuata njia Bora kwa kuishinda tamaa na majaribu.

" Amrapali, yakubidi siku zako ukumbuke kuwa ujana na urembo havidumu bali hufuatwa na maradhi, uzee na maumivu. Tamaa ya utajiri mali na mapenzi ni majaribu yawasongao wanawake, lakini, Amrapali, hizo siyo hazina za milele. Nuru ni hazina pekee inayodumisha thamani yake. Afya njema hufuatwa na maradhi, ujana ni lazima ufuatwe na uzee; uzima lazima ukipishe kifo.

Mtu aweza kulazimika kumwacha mpenzi wake ili aishi na

Mwongozo wa kuishi kwa vitendo

yule amchukiaye, mtu aweza kushindwa kukipata kile akipendacho kwa muda mrefu. Hii ni kanuni ya maisha.

Kitu ambacho kinalinda na kumleta mtu katika amani ya kudumu ni Wongofu. Amrapali inakubidi uitafute Nuru mara moja".

" Amrapali alimsikiliza, akawa mwanafunzi wake na akatoa bustani yake nzuri kwa ndugu, kama sadaka.

6. Hakuna tofauti ya jinsia katika njia ya Wongofu. Ikiwa mwanamke ataamua kuutafuta Wongofu, atakuwa shujaa wa Njia ya Kweli.

Malkia wa mfalme Prasenajit na Malkia wa mfalme Ayodhya aliupata ushujaa huo. Alikuwa na imani kubwa katika mafundisho ya Aliyebarikiwa na akatoa ahadi kumi mbele yake.

" Bwana wangu, hadi niupatapo wongofu sitayakiuka mafundisho matakatifu; sitakuwa na majivuno mbele ya watu wote wanaonizidi umri, sitamkasirikia mtu yeoyote.

"Sitawaonea kijicho wengine au kuwa na vivu juu ya mali yao; sitakuwa na ubinasi moyoni mwangu au katika mali yangu; nitajitahidi kuwafurahisha maskini kwa vitu nivipokeavyo na sitahodhi vitu kwa manufaa yangu binafsi. "Nitawapokea watu wote kwa huruma, kuwapa mahitaji yao, kuongea nao kwa unyenyekevu, kuangalia hali zao bila ya kujali hali niliyonayo na

Mwongozo wa kuishi kwa vitendo

kujaribu kuwafurahisha bila ubaguzi."

" Nitakapowaona watu katika hali ya ukiwa, kifungoni, Katika maumivu ya magonjwa au shida nyinginezo, nitajitahidi kuwafariji na niwawezeshe kuwa na furaha kwa kuwaeleza sababu na sheria.

" Ikiwa nitawaona watu wakiwakamata wanyama hai kuwatendea vitendo vya ukatili au kwenda kinyume cha mafundisho yoyote, nitawaadhibu ikiwa wanastahili adhabu au nitawafundisha kama wanastahili kufundishwa, kisha nitawajibika kurekebisha waliyoharibu na kusahihisha makosa yao kwa uwezo wangu wote.

" Sitasahau kusikiliza mafundisho ya kweli, kwa kuwa ninajua kwamba mtu anapokwepa mafundisho ya kweli kwa haraka huachana na ukweli uliotanda kila mahali na atashindwa kuifiki pwani ya Nuru."

Kisha alipendekeza matakwa matatu yafuatayo ya kuwaokoa watu maskini;" Kwanza nitamfanya kila mtu awe na amani. Nina imani, ombi hili, katika maisha yawayo yoyote nitakayoishi litakuwa msingi wa wema utakaoota ndani ya hekima ya mafundisho safi.

" Pili, baada ya kupokea hekima ya mafundisho mema, nitawafundisha watu wote bila kuchoka;

Mwongozo wa kuishi kwa vitendo

"Tatu nitayalinda mafundisho mema, hata kama ni kujitoa kafara mwili wangu, maisha au mali."

Umuhimu wa kweli wa maisha ya familia ni nafasi familia itoayo kuleta faraja ya pamoja na msaada wa kuelekea katika njia ya Wongofu. Hata mwanamke wa kawaida, kama anao moyo sawa wa kuitafuta Nuru, na akatoa nadhiri na matarajio sawa, anaweza kuwa mwanafunzi mkubwa wa Buddha kama alivyokuwa Mallika."

III

MAISHA YA HUDUMA

1. Kuna mafundisho saba yanayoifanya nchi istawi vema; Kwanza yawabidi watu wakutane mara kwa mara kujadili mambo ya kisiasa na kuijandaa kwa usalama wa taifa.

Pili, watu wa aina zote wakutane pamoja kujadili mambo ya kitaifa.

Tatu, ni lazima watu waheshimu mila zao za zamani na siyo kuzibadili bila sababu za msingi, pia inawalazimu kufuata sheria na ibada na kuiheshimu haki.

Nne ni lazima watambue tofauti za amri pamoja na za jinsia, na kuheshimu ubora wa familia na jumuiya zilizopo.

Mwongozo wa kuishi kwa vitendo

Tano, ni lazima wawapende wazazi wao na wawe waaminifu kwa walimu wao na wazee wao.

Sita, ni lazima kuheshimu makaburi ya mababu zao na kufanya ibada za kila mwaka.

Saba, ni lazima kuthamini maadili ya jamii, kuheshimu mwenendo safi, kuwasikiliza waheshimiwa walimu na kuwatolea sadaka.

Ikiwa nchi itafuata mafundisho haya vizuri, itastawi na itaheshimiwa na nchi nyingine zote.

2. Nyakati fulani kulikuwa na mfalme aliyesifika kwa kuitawala nchi yake vizuri na kutokana na hekima yake aliiwa mfalme mwanga - mkuu. Alielezea kanuni ya utawala wake kama ifuatavyo:-

Njia bora ya mtawala kumiliki vizuri nchi yake ni kwanza kabisa ajitawale yeye mwenyewe. Kiongozi lazima awaendee watu wake kwa moyo wa huruma na awafundishe na kuwaelekeza kuondokana na uchafu mioyoni mwao. Furaha itokanayo na mafundisho mema hakika inazidi starehe na raha ambayo mali na vitu vyote vya duniani vinaweza kutoa. Hivyo basi angeliweza kuwapatia watu wake mafundisho mema yakaiweka mioyo na miili yao katika raha mstarehe.

Maskini wanapomwendea angeweza kuwafungulia ghalaa

Mwongozo wa kuishi kwa vitendo

lake na kuwaruhusu wachukue chochote, na hivyo angeweza kuchukua nafasi hiyo kuwafundisha hekima ya kuondokana na tamaa na maovu yote.

Kila mtu ana mtizamo tofauti kulingana na hali ya moyo wake, watu huuona mji wao wanamoishi kuwa safi na wa kupendeza, bali wengine huuona kuwa mbovu na chakavu. Yote hutegemea na hali ya mioyo yao.

Watu wayashikao mafundisho mema na kuyaheshimu, wanao uwezo wa kuona uwiano kati ya miti na mawe ya kawaida, mwanga mzuri na rangi safi za marumaru. Lakini wale wenye tamaa mbaya wasiokuwa na maarifa ya kuitawala mioyo yao, ni vipofu wa kutoweza kuona hata mwanga wa jumba la mfalme lililojengwa kwa dhahabu.

Kila kitu katika maisha ya kila siku katika taifa kiko hivyo hivyo. Moyo ndiyo chimbuko la kila kitu hivyo mtawala yampasa kwanza ajitahidi kuwfafanya watu wake waifunze mioyo yao.

3. Kanuni ya kwanza katika utawala wa busara ni sawa na kanuni ya Mfalme Mwanga Mkuu; Kuwaagiza watu kuelimisha mioyo yao.

Kuelimisha mioyo yao ni kuutafuta wongofu, kwa hiyo, mtawala wa busara hana budi kuelekeza juhudzi zake kwanza katika mafundisho ya Buddha.

Mwongozo wa kuishi kwa vitendo

Ikiwa kiongozi ana imani na Buddha na anafuata mafundisho yake barabara, anatambua na kuheshimu watu waadilifu na wenye masikitiko, hapatakuwepo na upendeleo wowote kwa marafiki au maadui na nchi yake itaendelea kustawi.

Ikiwa nchi imestawi hakuna maana ya kushambulia nchi nyingine na haina haja ya kuwa na silaha za kufanya mashambulizi.

Watu wawapo na raha na kutosheka, tofauti zao za kitabaka hupotea, matendo mema hukuzwa, wema na uadilifu huongezeka pia na watu hueshimiana. Kisha kila mmoja hustawi; Majira na hali ya joto huwa kawaida; Jua, mwezi na nyota hung'aa kama kawaida; Pepo na mvua hutokea katika nyakati zake; na maafa yote ya kiasili hutoweka.

4. Wajibu wa mtawala ni kuwalinda watu wake. Ni mzazi wa watu wake na huwalinda kwa sheria zake. Anapaswa kuwalea watu wake kama wazazi wawaleavyo watoto wao, akimbadilishia nguo kavu kwa nguo iliyolowana bila kusubiri mtoto alie kwanza. Vivyo hivyo mtawala yampasa awaondolee mateso watu wake na kuwapa furaha bila kusubiri walalamike kwanza. Hakika utawala wake hautakuwa sahihi hadi hapo watu wake wawapo na amani. Watu ndiyo hazina ya nchi yake.

Kwa hiyo Mtawala mwenye busara huwfikiria watu wake wakati wowote na hawasahau katu. Hufikiria shida zao na

Mwongozo wa kuishi kwa vitendo

kupanga ustawi wao. Ili kutawala kwa busara lazima ashauriwe juu ya mambo yote:- Juu ya maji, ukame, dhoruba na mvua; analazimika kujua mambo ya mazao, uwezekano wa kupata mavuno mazuri, starehe na masikitiko ya watu. Ili kuwa na uwezo wa kutuza, kuadhibu au kusifu kwa usahihi inambidi ajue na kuelewa kwa undani kabisa ubaya wa mkosaji na uzuri wa mtu mwema.

Mtawala mwenye busara huwatunza watu wake wanapokuwa na mahitaji na hukusanya kutoka kwao wanapokuwa wameneemeka. Ni lazima aamue kwa busara anapotoza kodi na kuhakikisha kuwa ushuru autozao si mzigo ili watu wake waishi bila manung'uniko.

Mtawala mwenye busara atawalinda watu wake kwa nguvu zake na hekima yake. Mtu anayewatawala watu wake namna hiyo ana haki ya kuitwa mfalme.

5. Mfalme wa kweli ni mfalme wa wafalme. Nasaba yake ni bora na ya juu. Hatawali tu kambi nne za dunia, bali ye ye pia ni Bwana wa Hekima na Mlinzi wa mafundisho Maadilifu.

Popote aendapo, ugomvi huisha na chuki hutoweka. Hutawala kwa haki kwa nguvu za kweli, kwa kuyashinda maovu huleta amani kwa watu wote.

Mfalme wa kweli kamwe si muuaji au mwizi au mzinzi. Daima hasemi uongo, hatukani watu, wala hadanganyi au

Mwongozo wa kuishi kwa vitendo

kuseng'enya. Moyo wake hauna tamaa wala hasira na ujinga. Huondoa maovu haya kumi na badala yake hujenga maadili kumi.

Kwa kuwa utawala wake umejengwa juu ya kweli ye ye hawezi kushindwa. Kweli anapotokea mahali popote ugomvi huisha na chuki hutoweka. Hakuna utengano kati ya watu wake, na kwa hiyo wanaishi kwa usalama na utulivu; kuwepo kwake tu huleta amani na furaha kati yao. Hivyo ndiyo sababu anaitwa Mfalme wa Kweli.

Kwa kuwa Mfalme wa Kweli ni mfalme wa wafalme, watawala wengine wote hutukuza jina lake tukufu na hutawala milki zao kwa kumwiga ye ye.

Hivyo basi mfalme wa kweli ni mtawala wa wafalme wote na katika njia yake nyooofu. Wafalme huwapa watu wao usalama na kutimiza wajibu wakiwa pamoja na Dharma.

6. Mtawala mwenye busara atatoa hukumu yake kwa huruma. Atajitahidi kufikiria kila shauri kwa hekima na kutoa hukumu yake kwa kufuata kanuni tano.

Kanuni tano ni: Kwanza, ni lazima achunguze ukweli wa mambo yalivyoelezwa.

Pili atahakikisha kuwa mambo hayo yapo chini ya mamlaka yake. Kama akitoa hukumu kwa mamlaka yake yote, hukumu

Mwongozo wa kuishi kwa vitendo

yake iwe ni ya msingi, lakini akifanya hivyo bila mamlaka atazidisha matatizo, hana budi kusubiri wakati hali itakaporuhusu.

Tatu, ni lazima ahukumu kwa haki: hii ina maana kuwa ni lazima aingie katika moyo wa mshtakiwa. Akigundua kuwa kosa lilitendeka bila kukusudia hana budi kumwachia huru mshtakiwa.

Nne, inampasa atangaze hukumu yake kwa upole wala siyo kwa ukali; yaani aweze kutoa adhabu inayostahili na asivuke mipaka. Mtawala mzuri humwelekeza mhalifu kwa upole na humpa muda kufikiria makosa yake.

Tano, ahukumu kwa huruma lakini siyo kwa hasira; alaani kosa wala siyo mkosaji. Atoe hukumu yake katika misingi ya huruma na atumie nafasi hiyo kumsaidia mhalifu ajutie makosa yake.

7. Ikiwa waziri mashuhuri katika serikali hatajali wajibu wake, akafanya kazi kwa faida yake binafsi, au akapokea rushwa, hiyo italeta uozo katika uadilifu wa umma. Watu watadanganyana, mwenye nguvu atamvamia asiyé na nguvu, mwenye cheo atamwonea asiyenacho, tajiri atamwonea maskini na hapatakuwepo na haki, fujo zitazuka na matatizo yataongezeka.

Katika hali kama hiyo, mawaziri waaminifu watajihuzuru katika utumishi wa umma, watu wenyewe busara kwa hofu ya kuhusishwa katika migogoro watakaa kimya na walaghai watachukua nafasi katika serikali na kutumia uwezo wao wa

Mwongozo wa kuishi kwa vitendo

kisiasa kujitajirisha bila kujali shida za watu.

Katika hali ya mambo kama hayo serikali hupoteza nguvu zake na sera zake nzuri uharibika.

Maofisa wasio waaminifu kama hao ni wezi wa furaha za watu, na kumbe ni wabaya zaidi ya wezi kwa sababu hawa humdanganya mtawala wao pamoja na watu na ni chanzo cha matatizo katika taifa. Mfalme anapaswa kuwafukuza kazi mawaziri kama hao na kuwaadhibu.

Hata katika nchi inayotawaliwa na mfalme mzuri kwa sheria nzuri pia, kuna aina nyingine ya wakorofi. Kuna waume wavutwao zaidi na mapenzi ya wake na watoto wao na kusahau kabisa wema wa wazazi wao walioalea na kuwatunza kwa muda wa miaka mingi. Hawajali wazazi wao, huwanyang'anya mali zao na kutojali mafundisho yao. Wana kama hao hawana budi wajumuishwe kati ya watu walio waovu kuliko wote.

Je ni kwa nini? Ni kwa sababu wamejitenga kwa wazazi ambao upendo wao wa muda mrefu ulikuwa upendo ambao hauwezi kulipwa hata kama wana hao wangewaheshimu na kuwatendea mema matupu katika maisha yao yote. Wote wasio waaminifu kwa mtawala wao na waliojitetenga na wazazi wao hawana budi kuadhibiwa kama wahalifu wa hali ya juu.

Tena, katika nchi ambayo inatawaliwa na mfalme nzuri

Mwongozo wa kuishi kwa vitendo

kwa sheria safi kuna aina nyingine ya ukorofi. Kuna watu ambao wamesahau kabisa hazina tatu, Buddha, Dharma na Samgha. Watu hawa huaribu sehemu takatifu za kuabudia, huchoma maandiko matakatifu, huwatumikisha walimu wa haki na hivyo huenda kinyume na mafundisho matakatifu ya Buddha. Na hao pia ni kati ya wahalifu wakubwa.

Je, ni kwa nini? Ni kwa sababu wao huvunja imani ya roho ya taifa lao ambayo ndiyo msingi na chimbuko la maadili yake. Watu hao kwa kuunguza imani ya wengine wanajichimbia kaburi.

Dhambi nyinginezo zinaweza kuonekana nyepesi zikilinganishwa na ukorofi huu. Wahalifu wakorofi kama hao wanapaswa kuadhibiwa vikali sana.

8. Inawezekana kuwepo njama juu ya mfalme anayetawala nchi yake vyema kulingana na mafundisho mazuri au pengine maadui wa nje wanaweza kuivamia nchi. Katika hali kama hiyo mfalme yamlazimu aamue mambo matatu.

Aamue: Kwanza hawa wakorofi au maadui wa nje wanatishia amani na ustawi wa nchi yetu, nitawalinda watu na nchi yangu hata kwa majeshi.

" Pili, nitajitahidi kutafuta njia ya kuwashinda bila kutumia silaha.

Mwongozo wa kuishi kwa vitendo

"Tatu, nitajitahidi kuwateka wakiwa hai na kuwanyang'anya silaha zao ikiwezekana bila kuwaua."

Kwa kufuata maamuzi haya matatu Mfalme atasonga mbele kwa busara baada ya kuandaa kambi za lazima na kutoa maelekezo.

Kwa kufuata utaratibu huu, nchi na askari wake watatiwa moyo kwa hekima na heshima ya Mfalme na wataheshimu msimamo wake. Ikiwa ni lazima askari kwenda vitani wataelewa sababu na misingi ya kufanya hivyo. Kwa hali hiyo watakwendu mstari wa mbele kwa moyo na utii, wakiheshimu na kutii utawala wa busara wa mfalme. Vita kama hiyo haitaliletea ushindi tu kwa Taifa bali pia italitengenezea wema na uadilifu.

SURA YA TATU

UJENZI WA NCHI YA BUDDHA

I UDUGU WENYE MASIKILIZANO

1. Hebu tufikirie nchi ya jangwa ikiwa imetandwa na giza huku ndani yake kukiwa na viumbe hai wakiparamiana gizani.

Kwa kawaida viumbe hao wataogopa sana na kadri wanavyokimbia hapa na pale bila kuelewana wakati wa usiku, kutakuwepo na upweke na kutahayari kwangi. Kwa hakika hili ni tukio la kusikitisha.

Hebu tufikirie kwamba ghafla mtu mmoja mashuhuri anatokea akiwa na tochi na kila kitu katika eneo hilo kinamulikwa na kinaonekana wazi.

Viumbe hai katika upweke wa giza mara hujikuta katika faraja kubwa wanapotambuana na kuanza kufurahia kuwa pamoja.

Kwa "nchi ya jangwa" inamaanisha dunia watu waishimo ikakaa kuwa katika giza la ujinga. Wale wasio na mwanga wa hekima katika mioyo yao hutangatanga katika woga na ukiwa. Walizaliwa pekee na kufa pekee; hawajui jinsi ya kuishi na wenzao kwa amani na utulivu, na kawaida huwa ni woga na hukata tamaa.

Ujenzi wa nchi ya Buddha

Kwa "mtu mmoja mashuhuri mwenye tochi" inamaanisha Buddha akiwa katika hali ya binadamu, na kwa hekima yake na huruma huiangazia dunia.

Katika mwanga huu watu hujitambua pamoja na wenzao na hufurahia kuanzisha urafiki na mahusiano ya kidugu.

Maelfu ya watu wanaweza kuishi katika jumuiya lakini siyo hasa ya kirafiki hadi hapo wanapofahamiana na kuhurumiana.

Jumuiya ya kweli ina imani na hekima vinavyoimulika. Ni mahali ambapo watu hufahamiana na kuaminiana na ni penye uelewano kijamii.

Ama kweli, amani ni maisha na maana halisi ya ushirika au jamii ya kweli.

2. Katika vyama na mashirika kuna aina tatu. Kwanza kuna vile ambavyo vinaundwa katika msingi wa uwezo, mali, utajiri na matakwa ya viongozi wakuu.

Pili, kuna vile ambavyo vimeundwa kwa sababu ya manufaa ya wanachama wake na vitadumu endapo wanachama wake wataendelea kunufaika bila ugomvi.

Tatu, kuna vile vilivyoundwa katika msingi wa mafundisho mema na utulivu ukiwa ndiyo maisha yake.

Ujenzi wa nchi ya Buddha

Bila shaka aina ya tatu au ya mwisho ndicho chama na ushirika wa kweli kwa kuwa ndani mwake wanachama huishi katika roho moja ambayo kwayo umoja wa roho na aina mbali mbali za maadili huchipuka. Katika ushirika wa namna hii kutakuwepo na masikilizano, kutosheka na furaha kwa wingi.

Uongofu/Nuru ni kama mvua inyeshayo juu ya mlima ikajikusanya katika michirizi ambayo hukusanyika katika vijito na vijito navyo hujikusanya na kuwa mito ambayo mwisho wake hutiririka baharini.

Mvua ya mafundisho matakati fu hunyesha kwa watu wote bila kujali mazingira yao. Wale wanaoyapokea hujikusanya katika vikundi vidogo vidogo, kisha huunda shirika mbali mbali, na jumuiya nyngi hujengeka ambazo hujikuta kati ya bahari kubwa ya Wongofu.

Mawazo ya watu hao huchanganyika kama maji na maziwa na hatimaye hujiunga katika udugu wenye masikilizano.

Kwa hiyo mafundisho ya kweli ndilo sharti la msingi la ushirika sahihi na kama nilivyosema ni mwanga unaowezesha watu kuelewana na kurekebishana na kufuta ukakasi uliopo katika mawazo yao.

Kumbe ushirika uliojengwa juu ya mafundisho sahihi ya Buddha waweza kuitwa udugu.

Ujenzi wa nchi ya Buddha

Ni vema kufuata mafundisho haya na kuifundisha miyo yao. Kwa hiyo udugu wa Buddha utamhusisha kila mmoja kinadharia lakini ukweli ni wale tu wanaofuata imani moja ambao ni washirika.

3. Udugu wa Buddha utakuwa na washirika wa aina mbili:- Kutakuwa na wale wawafundishao washiriki walei na wale wanaowafadhili wahuburi kwa kuwapatia chakula na mavazi. Kwa pamoja watadumisha na kueneza mafundisho.

Tena, kuukamilisha udugu lazima kuwepo na masikilizano kati ya washiriki. Wahubiri huwafundisha washiriki nao washiriki huwaheshimu wahubiri ili kuwepo na masikilizano kati yao.

Washirika wa uchungu wa Buddha waungane pamoja kwa upole uliojaa upendo wakifurahia kwa kuishi pamoja na wafuasi wenzao na kupenda kuwa pamoja kiroho.

4. Kuna mambo sita yatakayosaidia kumwongoza mwana udugu katika masikilizano. Kwanza ukweli wa kauli; pili, ukweli na wema wa matendo; tatu, unyoofu na wema wa roho; nne, mgawanyo sawa wa mali ya wote; tano, kufuata sawa maandiko matakatifu; na sita, wote kuwa na mawazo sahihi.

Kati ya mambo haya, la sita au " wote wakiwa na mawazo sahihi" hujenga kiini, na mengine matano yakifanya kazi ya kukifunika na kukisetiri.

Ujenzi wa nchi ya Buddha

Kuna mafungu mawili ya sheria saba ya kufuata kama undugu unataka kufanikiwa. Fungu la kwanza ni kama kundi:

1. Wakutane mara kwa mara kusikiliza mafundisho na kuyajadili.
2. Wawe huru kuchanganyikana na kuheshimiana.
3. Wayatii mafundisho na kuziheshimu sheria bila kuzibadili.
4. Wazee na vijana waishi kwa utii na ustahifu.
5. Ukweli na utii viwe ishara ya mwelekeo wao.
6. Waitakase moyo yao katika mahali patulivu ambapo watawapatia watu wengine utulivu wa moyo huu kabla ya kumiliki wa kwao.
7. Wawapende watu wote, wawakarimu wageni na kuwahimiza wagonjwa kwa huruma na upole.

Undugu anaofuata sheria hizi daima hautarudi nyuma wala hautaanguka. Fungu la pili linamhitaji kila mmoja:

(1) awe na roho safi na asiombe vitu vingi, (2) awe mwaminifu na mnyofu na aachane na uchoyo, (3) awe

Ujenzi wa nchi ya Buddha

mvumulivu bila ubishi, (4) awe mkimya wala si msengenyaaji (5) afuate taratibu zilizopo wala asiwe jeuri; (6) awe na moyo wa makini kwa maisha ya kila siku.

Ikiwa washarika watafuata sheria hizi, undugu utadumu bila kutetereka.

5. Kama ilivyosemwa hapo juu, udugu hudumisha masikilizano na amani katika msingi wake; kwa hiyo, yule asiye na masikilizano hawezi kuitwa mwana udugu. Kila mshiriki ajichunge ili asiwe chanzo cha ugomvi na fitina. Fitina na ugomvi vinapojitokeza vifutiliwe mbali kabisa, kwa sababu fitina huvunja na kubomoa ushirika wowote ule. Madoa ya damu hayawesi kuondolewa au kufutwa kwa damu, chuki haiondolewi kwa chuki, chuki inaweza kuondolewa tu kwa kuisahau.

6. Palikuwepo na mfalme aliyeitwa Maafa, ambaye nchi yake ilitekwa na mfalme Brahmdatta. Mfalme Maafa, baada ya kujificha kwa muda pamoja na mwanae na mkewe alikamatwa ila kwa bahati njema mwanae wa kiume alitoroka.

Mwana wa mfalme alijitahidi kutafuta njia ya kumwokoa baba yake bila mafanikio. Siku ya kunyongwa kwa baba yake alijipenyeza kwa uficho hadi kwenye uwanja wa kunyongea ili ashuhudie kwa hasira na uchungu kifo cha baba yake kwa kuwa hakuwa na lolote la kufanya zaidi ya hilo.

Baba alimtambua mwanae katika kundi la watu na

Ujenzi wa nchi ya Buddha

akatamka kama kwamba anajisemea mwenyewe, " usitafute kwa muda mrefu, usitende kwa haraka, chuki inaweza kupozwa kwa kuisahau.

Baadaye mwana wa mfalme alitafuta njia yo yote ya kulipiza kisasi kwa muda mrefu. Hatimaye aliajiriwa kama mhudumu katika jumba la mfalme Brahmadatta ambaye alipendezwa naye.

Siku ambayo mfalme alikwenda kuwinda mwana huyo wa mfalme alitafuta njia ya kulipiza kisasi. Mwana wa Mfalme alimwongoza mfalme Brahmadatta hadi kwenye sehemu pweke na kwa kuwa Mfalme alikuwa amechoka alilala usingizi kichwa chake akakilaza juu ya mapaja ya mwana wa mfalme kutokana na kumwamini kwake.

Mwana wa mfalme alichomoa sime na kuiweka juu ya shingo la mfalme na kisha akasita. Maneno aliyojasema baba yake wakati wa kunyongwa yалиmija moyoni na ingawa alijaribu tena na tena hakuweza kumuua mfalme. Mara moja mfalme alizinduka usingizini na kumwambia mwana wa mfalme kuwa ameota ndoto mbaya; alimwota mwana wa mfalme Maafa akijaribu kumuua.

Mwana wa mfalme huku akitetemesha sime mkononi mwake kwa haraka alimkamata mfalme, na akajitambulisha kama mwana wa mfalme Maafa, akatamka kuwa wakati wa kulipiza kisasi cha baba yake ulikuwa umefika. Hata hivyo hakudhubutu kulipiza kisasi alitupa sime yake chini ghafla na akapiga magoti mbele ya mfalme.

Ujenzi wa nchi ya Buddha

Mfalme aliposikiliza hadithi ya mwana wa mfalme na maneno ya mwisho ya baba yake aliguswa sana na akamwomba radhi mwana wa mfalme. Baadaye, alimrudishia, milki ya baba yake na nchi zao ziliendelea kuishi kwa urafiki kwa muda mrefu.

Maneno ya mwisho ya mfalme Maafa, " Usitafute kwa muda mrefu" ina maana kuwa uchungu usihifadhiwe kwa muda mrefu na "usitende kwa haraka" yamaanisha kuwa urafiki usiharibiwe kwa haraka.

Uchungu hauwezi kumalizwa na uchungu; unaweza kumalizika tu kwa kuusahau.

Katika ushirika wa udugu uliojengwa juu ya masikilizano ya mafundisho ya kweli, kila mshiriki lazima athamini maana ya hadithi hii.

Sio washiriki wa udugu tu wanaothamini na kutambua maana hii katika maisha yao ya kila siku bali watu wote.

II NCHI YA BUDDHA

1. Kama ilivyoelezwa, kama udugu hausahau wajibu wao wa kueneza mafundisho ya Buddha na kuishi pamoja kwa masikilizano, udugu huo utapanuka na mafundisho yake yataenea sana.

Ujenzi wa nchi ya Buddha

Hii ina maana kuwa watu wengi watatafuta Nuru, pia ina maana kuwa majeshi ya uovu, ya uchoyo, hasira na ujinga, ambayo yanaongozwa na shetani wa ujinga na tamaa, yataanza kurudi nyuma, na hekima, mwanga, imani na furaha vitashamiri.

Utarala wa shetani umejaa ulafi, giza, mapambano, mapigano, mapanga na umwagaji damu, pia umejaa wivu, dhulumu, chuki, udanganyifu, uwongo, kujipendekeza, siri na shutuma.

Sasa kwa mfano mwanga wa hekima uiangazie milki hiyo na mvua ya huruma iinyeshee, na imani ianze kuota, na maua ya furaha yaanze kusambaza manukato yake. Basi milki hiyo ya shetani itabadilika kuwa Nchi Takatifu ya Buddha.

Kama upopo mwanana na maua machache katika tawi yatoayo ishara za ujio wa majira ya machipuo, ndivyo mtu aipatapo Nuru, majani, miti, milima, mito na vitu vingine huanza kunawili kwa msukumo wa maisha mapya.

Mawazo ya mtu yakiwa safi hatu mazingira yake yatakuwa safi pia.

2. Katika nchi yenye mafundisho ya kweli, kila mwanachi ana moyo safi wenye amani na raha. Kwa hakika, huruma ya Buddha huwanufaisha watu wote, na roho yake ng'avu husafisha uchafu wote toka miyoni mwao.

Ujenzi wa nchi ya Buddha

Moyo safi punde si punde hubadilika kuwa moyo wa makini, moyo unaolingana na Njia Bora, moyo unaopenda kutoa, moyo unaopenda kutunza mafundisho, na moyo wa uvumilivu, wa matumaini, utulivu, busara, upole na moyo uwapelekao watu kwenye Nuru kwa njia mbali mbali za kiufundi. Kwa hivi, vivyo Nchi ya Buddha itajengeka.

Nyumba yenye baba, watoto na mama, hugeuka kuwa nyumba ya Buddha, nchi yenye tofauti za kijamii nayo pia hugeuka katika ushirika wa roho za kidugu.

Jumba la dhahabu lenye madoa ya damu haliwezi kuwa makazi ya Buddha. Kibanda chenye matundu yapitishayo mbalamwezi kwenye paa chaweza kubadilishwa kuwa makazi ya Buddha ikiwa moyo wa mwenye kibanda hicho ni safi.

Nchi ya Buddha inapopatikana katika moyo wa mtu mmoja, moyo huo mmoja huvuta miyo ya ukoo mzima katika ushirika wa kindugu. Imani katika Buddha huenea kutoka mtu mmoja hadi kwenye familia, kutoka familia huanza kwenye kijiji, kutoka kijiji hadi mjini, kutoka mijini hadi nchi mbalimbali na mwishowe hadi dunia nzima.

Kwa hakika, uaminifu na unyenyekevu katika kueneza mafundisho ya Dharma ndio ujengayo Nchi ya Buddha.

3. Ili kuhakikisha, ukiangalia dunia kwa upande mmoja ikiwa imejaa choyo na tamaa, dhuruma na umwagaji damu inaonekana

Ujenzi wa nchi ya Buddha

hasa nchi ya ibilisi, lakini watu wanapoamini wokovu wa Buddha, damu hugeuka maziwa na choyo na tamaa hugeuka kuwa huruma, na hapo nchi ya ibilisi hubadilika kuwa Nchi Takatifu ya Buddha.

Inaelekea kuwa ni kitu kisichowezekana kuikausha bahari kwa kijiko kidogo, lakini azma ya kufanya hivyo, hata kama itachukuwa maisha ya watu, watu wengi sana, azma hiyo ni moyo huo ambaa mtu atapaswa kuwa nao katika kuupokea Wokovu wa Buddha.

Buddha anasubiri ng'ambo ya pili; kwa maana katika dunia yake ya Wokovu ambamo hakuna choyo, hakuna hasira, ujinga, mateso, maumivu, bali ni penye mwanga wa hekima na mvua ya huruma.

Ni nchi ya amani, kimbilio la wanaoteseka na wenyе dhiki na maumivu, mahali pa mapumziko kwa wale wanaohitaji kupumzika wakati wakieneza mafundisho ya Dharma.

Katika Nchi hii Takatifu kuna Mwanga usio na mpaka na Maisha ya milele. Wafikao katika mbingu hii hawatarudi tena katika dunia ya madanganyo.

Hakika, Nchi hii Takatifu ambamo manukato ya maua hupamba hewa kwa hekima na ndege huimba Dharma takatifu, hayo ndio makao ya mwisho wa watu wote.

Ujenzi wa nchi ya Buddha

4. Ingawa Nchi hii Takatifu ni mahali pa kupumzika, siyo mahali pa uzembe. Vitanda vya maua ya manukato siyo vya kupumzishia uzembe, bali ni mahali pa maburudisho na mapumziko ambapo mtu hupata nguvu na nia mpya ya kuendeleza kazi ya Wokovu wa Buddha.

Kazi ya Buddha ni ya milele. Kwa kuwa binadamu na viumbe wanaendelea kuishi, na ili mradi uchoyo na miyo najisi huumba dunia zao na manzili, hapatakuwepo na mwisho wa kazi yake.

Wana wa Buddha waliovuka hadi katika Nchi Takatifu kwa njia ya nguvu kuu ya Amida, wanawenza kutamani kurudi katika nchi zao ambako bado walitoka na ambako bado wana mahusiano. Hapo nao watashiriki kufanya kazi ya Buddha.

Kama mwanga wa mshumaa ueneavyo kutoka mshumaa mmoja hadi mwengine vivyo hivyo mwanga wa Buddha wa huruma utaenea toka moyo mmoja hadi mwengine bila kikomo.

Wana wa Buddha, waitambuapo roho yake ya huruma hurithi jukumu lake la Wokovu na utakaso na kuvirithisha vizazi kutoka kizazi hadi kizazi kingine ili kuifanya Nchi ya Buddha itukuzwe milele na milele.

III

**WALE WALIOUPOKEA UTUKUFU
KATIKA NCHI YA BUDDHA**

1. Syamavati, mwanadani wa Mfalme Udayana alikuwa mfuasi mkubwa wa Buddha.

Aliishi katika viwanja vyta ndani katika jumba la Mfalme na hakuweza kutoka nje lakini kijakazi wake, Uttara, aliyekuwa na kumbukumbu nzuri alikuwa akitoka kuhudhuria mihadhara ya Buddha.

Kijakazi huyo aliporudi nyumbani, alimsimilia Malkia mafundisho ya Aliyebarikiwa, na hivyo Malkia alipanua busara na imani yake.

Mke wa pili wa Mfalme aliona kijicho juu ya mke wa kwanza na akatafuta njia za kumuua. Alimchongea kwa Mfalme na baada ya kukubaliana na uchonganishi huo, Mfalme akapania kumuua mke wake wa kwanza, Syamavati.

Malkia Syamavati alisimama kwa utulivu mbele ya Mfalme kiasi kwamba Mfalme hakuwa na nia ya kumwua tena. Kwa kujikaza, mfalme aliungama mbele ya Malkia kwa tuhuma zake.

Choyo ya mke wa pili ilizidi kuongezeka na akawatuma watu wabaya kuchoma nyumba za ndani katika ikulu wakati Mfalme alipokuwa amesafiri. Malkia Syamavati alikaa kimya na

Ujenzi wa nchi ya Buddha

akawatia moyo vijakazi wake waliojawa na hofu, na bila woga, alikufa kwa amani kutokana na imani aliyojifunza kutoka kwa Aliyebarikiwa. Uttara alikufa pamoja naye motoni.

Kati ya wanawake wengi waliokuwa mitume wa Buddha wanawake hawa wawili waliheshimiwa sana. Malkia Syamavati alitukuzwa kama moyo wa huruma na kijakazi wake Uttara kama mwenye usikivu mzuri.

2. Mahanama, mwana wa Mfalme wa ukoo wa Shakya na binamu yake Buddha naye alikuwa na imani katika mafundisho ya Buddha na mmoja wa wafuasi wake waaminifu.

Wakati huo mfalme mkali aitwaye Virudaka wa Kasala aliteka ukoo wa Shakya. Mahanama mwana wa Mfalme alikwenda kwa mfalme kumwomba awaachie watu wake aliowateka lakini Mfalme hakumsikiliza. Hatimaye alimwambia Mfalme aachie kiasi cha mateka watakaoweza kukimbilia haraka wakati ye ye amejizamisha ndani ya bwawa lililokuwa karibu.

Mfalme alilikubali haraka shauri hili akidai kuwa itamchukua muda mfupi sana kwake kuwa ndani ya maji.

Mahanama alipozama, lango la ngome lilifunguliwa na watu walikimbilia haraka kwa usalama wa maisha yao. Lakini Mahanama hakutokeza nje ya maji kwa sababu alikuwa amezifunga nywele zake kwenye mzizi wa mti ulio ndani ya maji ili ajitoe kafara lakini aokoe maisha ya watu wake wote.

Ujenzi wa nchi ya Buddha

3. Utpalavarna alikuwa mtawa wa kike mashuhuri sana ambaye hekima yake ililinganishwa na ya Maudgalyayana, mtume mashuhuri wa Buddha. alikuwa mtawa hakika na alikuwa kiongozi wa wenzake akiwafundisha bila kuchoka.

Devadatta alikuwa mwanamme hasidi na katili aliyepotosha moyo wa Mfalme Ajatasatru kwa kumshauri kupinga mafundisho ya Buddha. Ila baadaye, mfalme Ajatasatru alitubu, akavunja urafiki wake na Devadatta, akawa mwanafunzi mtiifu wa Buddha.

Wakati fulani Devadatta alipokuwa akifukuzwa kutoka katika lango la ngome, katika juhudzi zake za kuonana na mfalme, alikutana na Utpalavarna akitokea ndani ya ngome. Hii ilimchukiza sana akamgonga Utpalavarna na kumjeruhi vibaya.

Utpalavarna alirudi katika nyumba yake ya watawa akiwa na maumivu makali na watawa wengine walipojaribu kumliwaza aliwaambia; "Dada zangu, maisha ya ubinadamu hayatabiriki, kila kitu kinapita na hakina nafsi wala kujipendelea. Dunia ya Uongofu ndiyo tu yenye amani na utulivu. Lazima mwendelee na mafunzo yenu." Kisha akakata roho kimya.

4. Angulimalya, aliyekuwa jambazi mkubwa na aliyeua watu wengi, aliokolewa na Aliyebarikiwa na akawa mmojawapo wa wanafunzi wake.

Siku moja alikwenda kuombaomba mjini na kutokana na matendo yake mabaya ya zamani alipata matatizo na mateso.

Wanavijiji walimvamia na kumpiga vibaya sana, lakini alirudi kwa Aliyebarikiwa, akiwa bado anavuja damu, akaanguka chini ya miguu yake akimshukuru kwa bahati aliyoipata ya kupata mateso kutokana na matendo yake ya zamani ya kikatili.

Alimwambia "Uliyebarikiwa jina langu la asili niliitwa 'Hapana Madhara,' lakini kwa sababu ya ujinga wangu, nilipoteza maisha ya thamani ya watu wengi, na kutoka kwa kila mtu nilikata kidole kimoja; kutokana na matendo hayo, nilipewa jina la Angulimalya, mkusanyaji wa vidole.

" Hivyo basi, kutokana na huruma yako, nilijifunza hekima na nikajitoa kwa hazina tatu za Buddha, Dharma na Samgha. Mtu anayeswaga farasi au ng'ombe hutumia kamba au mjeredi lakini wewe Uliyebarikiwa, uliutakasa moyo wangu bila kutumia mjeredi, kamba au ndoano.

" Leo hii, Uliyebarikiwa, nimepata malipo yangu sahihi, sitamani kuishi wala sitamani kufa. Nasubiri tu muda wangu utimie."

5. Maudgalyayana, pamoja na mheshimiwa Sariputra, alikuwa mmojawapo wa wanafunzi wawili maarufu wa Buddha. Walimu wa madhehebu mengine walipoona jinsi maji safi ya mafundisho ya Buddha yalivyokuwa yakisambaa kwa watu na kunywewa kwa hamu, walipandwa na wivu hivyo wakaweka vikwazo mbalimbali dhidi ya mafundisho hayo.

Ujenzi wa nchi ya Buddha

Hata hivyo hapakuwa na kizuizi chochote kilichowezza kuzuia mafundisho yake kuenea kwa mapana. Wafuasi wa madhehebu mengine walijaribu kumuua Maudagalyayana.

Mara mbili aliweza kukwepa lakini mara ya tatu alivamiwa na wapagani na kuishia kwenye kipigo chao.

Akiongozwa na Nuru, akiwa kimya na kwa utulivu alipokea kipigo, na ingawa mwili wake ulikuwa umekatwakatwa na mifupa yake kupasukapasuka, alikufa kwa amani.